

Канон преподобному Варлааму Хутынскому

Память празднуем 6 (19) ноября

Тропарь, глас 3-й

Иже на земли леганием, пощением же и бдением тело твоё изнуряя, преподобне, вся плотская мудрования умертвил еси; и исцелений струя неизвестная явился еси верою притекающим к тебе, Варлааме отче наш, моли Христа Бога спастись душам нашим.

Ин тропарь, глас 8-й

Богодуховныя благодати исполнися и разжегся любовью Животворящая Троицы, млад явился Богу угождаяй, ревнуя святым отцем преподобным, великия труды возлюбив, и понесл еси, и демонския посрамив, множества низложил еси, и преставися в вечный покой, и ныне подаеши просящим неоскудное исцеление, исцеляя многоразличныя недуги, молимтися, святыи преподобне отче Варлааме, непрестанно молися ко Господу о душах наших.

КАНОН, глас 2-й

Песнь 1

Ирмос: Грядите, людие, поим песнь Христу Богу, раздельшему море и наставльшему люди, яже изведе из работы египетския, яко прославися.

Припев: Преподобне отче наш Варлааме, моли Бога о нас.

От Света Свет, Христе мой, от Отца прежде век рождейся, сый в начале со Отцем и Духом, согрешений мрак души моея отгнав, озари ум мой, молюся, да возмогу пети Варлаама, Твоего угодника.

Преподобне отче наш Варлааме, моли Бога о нас.

От корене благаго блажайшая отрасль прозябл еси, земных маловременнаго жития избегл еси. Тем, ныне чистоты венец приемля, со Ангелы Христу воспеваеши: поим Господеву, яко прославися.

Слава: Земная и мимотекущая, яко уметы, вменив, Христа Единого приобрел еси, Егоже союзом любве уязвив душу твою, и Того потщался еси обрести ненасыщаемыя доброты.

И ныне: Услыша Ева прамати: в печалех родиши чада. Ты же, Чистая Дево, услышала еси: Господь с Тобою, радуйся, и радованным гласом, Богоневесто, печаль праматере потребила еси.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, внигда пети: несть свят, якоже Бог наш, и несть праведен, паче Тебе, Господи.

Преподобне отче наш Варлааме, моли Бога о нас.

По апостолу, отче, Вышних ища, и мудрование имея еже к Богу, вся, яже на

землі, оставил еси и паче естества доброты сподобился еси.

Преподобне отче наш Варлааме, моли Бога о нас.

Светом Божественным осияемь о нем, и путь, к жизни ведущ, познал еси, отче наш Варлааме, и равноангельнаго ради жития чудотворец нареклся еси.

Слава: Законы питаея всех Творца и Владыки, темже и невечерним облиставаемь Светом, светлое солнце явился еси и премудрости сокровищем, мир обогащая.

И ныне: Во иных женах матери, дондеже дева, не познася, ни матери по рождестве девствовати сподобися, на Тебе же, Дево Богоматери, обою сбывается. Тем веселием духа воспеваю: несть непорочны, паче Тебе, Владычице.

Господи, помилуй (трижды).

Седален, глас 8-й

Красоты мирския от молодых ногтей, преподобне, возненавидев, единого же Христа от сердца возлюбил еси и Тому всею душею прилепился еси; яко безплотен, на земли пожив с плотию, славу же мимотекущую и богатство в ничтоже вменив, Небесное богатство восприял еси и славу вечную. Темже ублажаем святое твое усение и, в нем торжествующе, вопием ти: Богомудре отче наш Варлааме, моли Христа Бога грехов оставление даровати чтущим любовию святыю память твою.

Слава, и ныне: Яко Всенепорочная Невесто Творца, яко неискусомужная Мати Избавителя, приятелище яко сущи Утешителя, Всепетая, беззаконию мя суща скверное обителище и демоном игралище в разуме бывша, потщися от тех злодейства мя избавити и светлое жилище добродетелей соверши. Светоносная, Нетленная, отжени облак страстей и вышняго причастия сподоби, и Света Невечерняго молитвами Твоими.

Песнь 4

Ирмос: Пою Тя, слухом бо, Господи, услышах и ужасохся: до мене бо идещи, мене ища, заблудшаго. Тем многое Твое низхождение, яже на мя, прославляю, Многомилостиве.

Преподобне отче наш Варлааме, моли Бога о нас.

Яко в порфиру, и виссон, и в царскую багрянницу одеяся тобою великая Российская земля: днесь убо, светло торжествующи, веселится, Варлааме, имеющи тя в себе, яко неистощимое сокровище.

Преподобне отче наш Варлааме, моли Бога о нас.

Мира любви отрехся, достигл еси Горний Иерусалим, идеже Христос со Отцем и Духом, и, венцев от Него сподобився, со Безплотными лики поеши, приемля Его сияние.

Слава: Аще убо, отче, тесный и болезненный путь шествовал еси в житии, но обаче нетленную жизнь наследовал еси, отонудными светлостми богато просвещался, Богоблаженне Варлааме.

И ныне: Истинно Ты сень свидетельствава многоразличными образы, яже показующи Воплощеннаго из Тебе, Единого Троицы, Пречистая, неизменно, Богоматери Владычице, и мир обновивша.

Песнь 5

Ирмос: Света подателю и веков Творче, Господи, во свете Твоих повелений настави нас, разве бо Тебе, иного бога не знаем.

Преподобне отче наш Варлааме, моли Бога о нас.

Ярем Господень от юности, мудре, взем, последовал еси Христу скорбми и слезами, преподобне, мысленно око к Немю имея, дондеже и святых селений достигл еси, обрет покоище Горняго Града.

Преподобне отче наш Варлааме, моли Бога о нас.

Страстей отгнав мглу яве зарями, отче, добродетелей, просвещение Духа в сердца прием, Варлааме, имже попалил еси вся демонская ополчения и постническим ликом причтался еси.

Слава: Насажден во дворех Господних и в дому Бога нашего процвел еси. Прием Небесное семя, Богодухновенне, сердечною браздою клас сторицествующ принесл еси, темже обогатился еси венцем чудес.

И ныне: Управи ум мой, Владычице, труждающийся в пучине скорбей и потопляемь нашеством тлетворных страстей, и спаси, Богородице, к Тебе прибегающия: инья бо Помощницы, Чистая, разве Тебе, не знаем.

Песнь 6

Ирмос: В бедне греховней валяясь, неизследную милосердия Твоего призываю бедну, от тли, Боже, мя возведи.

Преподобне отче наш Варлааме, моли Бога о нас.

Море житейское, любомудрием испытав и разумев суетно сущо и яко вскоре погибающе, отвергл еси, единому прилепился еси Христу. Егоже ради и тяготу дневную понесл еси, о всех Тому восхождения в сердца своем полагая.

Преподобне отче наш Варлааме, моли Бога о нас.

Ветрилом окривляемь воздержания, и отгуду достигл еси в пристанище благоутешное, пощением питая душу твою, преподобне, и светлу всех Творцу представил еси ю. Темже и Христос прият ю, яко светозарную звезду, и Своей славы сопричастну содела.

Слава: Ангельская воинства сущему во плоти житию твоему удивилася, отче Варлааме, бури бо страстей отбегл и совершенного ради жития, ветрилом воздержания достигл еси в благоутешное пристанище Христово.

И ныне: Обетшавшия ны горьким древле древа вкушением и падшия поползновением, Пречистая, обновила еси, Зиждителя рождши, Слово Ипостасное, Девомати Владычице.

Господи, помилуй (трижды). Слава, и ныне:

Кондак, глас 8-й

Якоже другий Илия, отче, дождь с небес свел еси, он убо огонь сведет и царя удивит, ты же люди твоя возвеселил еси и торжествовати устроил еси. Великий бо Новгород вельми тобою хвалится, имея мощи твоя в себе, егоже сохраняй от враг непоколебима, да зовем ти: радуйся, преподобне Варлааме, отче наш.

Икос

Аще и человек естеством был еси, преподобне отче, но вышняго Иерусалима явился еси согражданин и, человек убо естеством, Безплотных чести сподобился еси. Темже и самая, зряще, чудеса похвальная удивляют нас и научают звати тебе таковая: радуйся, благочестива отца отрасли; радуйся, матери благоговейныя ветве;

ра́дуйся, смире́ния высотó; ра́дуйся, я́ко к позна́нию Бо́га вся приводя́; ра́дуйся, я́ко мно́га чудеса́ о Христе́ сотвори́л еси́; ра́дуйся, целому́дрия сто́лпе, и́мже де́монская свирепства́ искорени́шася; ра́дуйся, свети́льниче многосветлы́й; ра́дуйся, я́ко увяди́л еси́ плотская́ мудрова́ния; ра́дуйся, я́ко дождь моли́твою свел еси́ и, па́ки наводне́нию бы́вшу, моли́твою водото́чныя о́блаки востя́гл еси́; ра́дуйся, Вели́каго Новагра́да похвала́ и утвержде́ние, егóже и сохрани́ от враг непоколеби́ма до конца́, да зове́м ти: ра́дуйся, преподо́бне Варлаа́ме, о́тче наш.

Песнь 7

Ирмос: Образу златóму, на по́ле Де́йре служи́му, три́е Твои́ о́троцы небрего́ша безбо́жнаго веления́, посреде́ же огня́ ввержени, ороша́еми, пояху: благословен еси́, Бо́же о́тец на́ших.

Преподо́бне о́тче наш Варлаа́ме, моли́ Бо́га о нас.

Зе́льным поще́нием, я́ко благово́нною пи́щею, пита́я ду́шу твою́, преподо́бне Варлаа́ме, те́мже и Трисо́лнечному Бо́жеству́ предсто́я, со Ангелы́ пое́ши: благословен Бог о́тец на́ших.

Преподо́бне о́тче наш Варлаа́ме, моли́ Бо́га о нас.

Облиста́л еси́ я́коже невече́рнее со́лнце, о́течество твоё́ просвеща́я, преподо́бне Варлаа́ме, тьмы́ избавля́я страсте́й, и на нас наве́тующих сове́ты разори́, от враг непре́ткнове́нным бы́ти нам, пою́щим: благословен Бог о́тец на́ших.

Преподо́бне о́тче наш Варлаа́ме, моли́ Бо́га о нас.

Я́ко на Бо́жественную́ добродете́лей ле́ствицу воздержани́ем, о́тче, возше́д, у́мными очесы́ Христа́ Царя́ ви́дел еси́, оби́льною десни́цею по числу́ добродете́лей, Варлаа́ме, дарова́ния даю́ща от души́ вопию́щим: благословен Бог о́тец на́ших.

Слава: Дрема́ния отню́д и сна твои́м очесем не дал еси́, до́ндеже возме́здие от Христа́ трудо́в обре́л еси́, наслажде́ние Небе́снаго Царствиа́, е́же угото́ва от ве́ры пою́щим: благословен Бог о́тец на́ших.

И ны́не: Обновля́ются в Тебе́ естества́ зако́ни: па́че естества́ бо естество́м Непостижи́маго, Де́во, Бо́га Емману́ила пресла́вно, Чи́стая, родила́ еси́ в на́ше ве́рных обновле́ние.

Песнь 8

Ирмос: В пещь о́гненную́ ко отроко́м евре́йским снизше́дшаго и пла́мень в ро́су прело́жшаго Бо́га по́йте, дела́, я́ко Го́спода, и превозноси́те во вся ве́ки.

Преподо́бне о́тче наш Варлаа́ме, моли́ Бо́га о нас.

Слезамы́ твои́ми, о́тче Варлаа́ме, умы́ваяся, жити́е прошёл еси́, и те́ми мно́жества́ де́монов потопи́л еси́, ве́рных же мы́сли возвесели́л еси́, пою́щих: вся дела́ Го́спода по́йте, и превозноси́те Его́ во ве́ки.

Преподо́бне о́тче наш Варлаа́ме, моли́ Бо́га о нас.

Уязви́лся еси́ Бо́жественным желани́ем, всеблаже́нне, те́мже и непоро́чное и пра́ведное жити́е проходя́, до́ндеже дости́гл еси́ ца́рскаго престо́ла, отону́дными светлосты́ми осия́я пою́щия: вся дела́ Го́спода по́йте, и превозноси́те Его́ во ве́ки.

Слава: К Свету́ Незаходи́мому, сла́вне, взя́лся еси́, наслажде́ние же земныхъ вещейъ оплева́в вы́шняго ра́ди наслажде́ния, па́че воздержани́ю поревнова́л еси́ и страсте́й пла́мень потща́лся еси́ угаси́ти слезамы́ твои́х исто́чник, Варлаа́ме, вопия́: вся дела́ Го́спода по́йте, и превозноси́те Его́ во ве́ки.

И ныне: Распя́тие и погребѣ́ние, Иже от Тебѣ́ небра́чно, Де́во, произы́де, претерпе́в нас ра́ди мучѣ́ние, Егѡ́же страсте́м ревну́я, преподо́бный Варлаа́м крестови́дно мучѣ́ния поще́нием Тому́, Чи́стая, послѣ́дова.

Песнь 9

Ирмос: Яже пре́жде со́лнца свети́льника Бо́га возсия́вшего, плѡ́тски к нам прише́дшаго из боку́ Девичу, неизрече́нно воплоти́вшая, Благослове́нная Всечи́стая, Тя, Богоро́дице, велича́ем.

Преподо́бне о́тче наш Варлаа́ме, моли́ Бо́га о нас.

Пожив на земли́ равноа́нгельно, равноа́нгельну обрѣ́л еси́ све́тлость, моли́ непреста́нно Изба́вителя, Варлаа́ме, о творя́щих благоче́стно па́мь твою́, о преблаже́нне! мона́шествующих похвало́.

Преподо́бне о́тче наш Варлаа́ме, моли́ Бо́га о нас.

Узкий и приско́рбный ше́ствовав путь, о́тче Варлаа́ме, и телѣ́сне у́бо преста́вился еси́, ду́хом же жив, предстои́ши Бо́гу. Но я́ко имѣ́я дерзнове́ние, Ему́же в жити́и раба́тал еси́, моли́ спасти́ ду́ши на́ша.

Слава: Исцелѣ́ний яви́лся еси́ струя́ оби́льная, многомяте́жнаго пла́мене у́глие страсте́й угаси́л еси́. Ум бо твой неокра́ден, преподо́бне о́тче, соблю́л еси́ и, я́ко кре́пок, Варлаа́ме, побежда́еши иску́сителя.

И ныне: Еди́на иму́щи дерзнове́ние, Влады́чице, за весь мир Сы́ну Твоему́ моли́ся, не помина́я безчи́сленных собла́зн на́ших, и покрый́ люди, вопию́щия Ти умилѣ́нным гласом: спаси́, Чи́стая Богоро́дице, Тебѣ́ досто́йно велича́ющая.